

竹園類輯卷之七

孝慈類

幽憂賦

瑞安朱鴻瞻表民甫著



惟昊天之弗弔兮嗟余生之薄祐壯未及而靡依兮
罹閔凶於下土何集蓼之云辛兮比茹荼而更苦念
鞠哀於離屬兮恩罔極而無補思懿則其匪遙兮事
尤難以僕數昔在我之未降兮母初嬪於素門經年
歲以拮据兮靡朝夕以躄躄等於陵之辟纏兮門魯

姜之織紉師負汲於杵甕兮困屢屐於海濱雖今出
 之階隱兮兼詩人之食貧試絜難而量易兮曾不足
 以相倫上有淑節之姑兮矢栢舟以靡忒長幽情而
 獨結兮難先意以承色勤就養而無方兮善思媚以
 侍側孝故稱於宗族兮鄉閭嘉其維則德類於不
 匱兮效蘋蘩於春秋陳桂椒而芬苾兮秉踏莫以虔
 修明信而有嘉德兮祝辭薦而無羞維茲孝其孔懿
 兮兼能助以稱賢務宏巨而悉舉兮匪匪帚之獨專
 賦鷄鳴以勵旦兮佐董帷之誦絃相式穀以垂裕兮

齊母範於三遷初既有此媿德兮又重之以殊能忘
 匍匐以急難兮雜佩周於親朋投無粹而不暇兮事
 罔劇而弗勝極勞心之忡忡兮乃履谷而臨水痛恩
 勤其若此兮夫何堪乎多難比綢繆以鞠子兮願長
 世而無患忽隕卵而覆巢兮毀成功於一旦昔伯氏
 之如逢兮固先我而首誕亦吹篪之有姊兮齊芳華
 而昭爛同丙壬之少徂兮極摧心以扼腕紅淚爲之
 幾乾兮白髮因而生顏匪金石之爲質兮疇松栢而
 後殘至余幼遭夫坎壈兮祇惟疾以貽憂頽貼危而

屢殆兮勞顧復之彌周靡日曷以暇食兮何永夜而
處禍甫成童而就塾兮乃慮乎余行之不成教逾嚴
於斷杼兮誨彌篤於趨庭負微能而莫展兮傷日月
以遄征恐負荷之弗克兮墜堂構使亡聲雖紉護以
消憂兮羗如惓而彌盈旣以余是用勞兮又心憂乎
厥季並筆耕而望穫兮靡豐年之可與生後我以六
年兮數同奇而一類愛無分於先後兮憂兩心而交
厪歎負薪而未能兮縱尸饗乎何助忘倚廬之惆悵
兮遠躡躑而罔顧厥中饋之盤飧兮服手中之紈素

同帝力之何有兮夫固多愆而自怙泯喜懼而忘年
兮方不知夫遲暮何春秋之短期兮遂有疾而弗豫
哀劬勞之莫報兮嗚風木而興思悼私心之未遂兮
願就養乎俟時收桑榆其未晚兮景遽入乎奄嗟懷
永恨於終身兮悔無及於後期長哭躑以哽絕兮疾
呼天而徬惶愁雲生於四牖兮悲風起於空房夜漫
漫而靡旦兮白晝晦而無光天地爲之改色兮耳目
因而交喪方興言於永訣兮情惻惻而狐疑謂復綏
之必報兮罔天道之僭差迎五祀於室隅兮備百神

而禱之攬厥祛以升屋兮後東西以下馳母已絕膽

皇天復神恫恍其若夢兮形叫號而如癡弟叫號

悉徹兮華茵易而道盡蘭荃炙於牀垂兮衾帷陳於

正寢慈姑為之撫膺兮二白子婦哭而尸枕哀將遷

以就木兮悼長離之可憫欲往從而不得兮徒形存

而志殞旋設奠於兩楹兮告永絕於終天瞻神宇而

戀戀兮橫涕泗以漣漣彩衣變為衰經兮嘉穀易以

糲餽朝俯伏於儀牀兮夕寢處乎塊苦魂忽忽以脊

亂兮行躅而嘗顛日駿驅以電邁兮節按候而應

焉母卒在四月二十一日香蒲切以玉色兮彩縷燁以朱妍蘭

載芬以浴芳兮艾辟惡而符懸感時物之倏變兮想

髣髴於生前入空幃而遍索兮叔其無人靈帳

設而不動兮盥櫛具而蒙塵感風以靈雨兮睇鶴

馭與慈雲日終不有見兮耳不可得馬入復瞻乎遺

像兮徒俯首以摧心覽柩棧而隕涕兮悼平素之所

經孰靡日而不執兮孰經年以獨營物何人之能固

兮人無物之弗傾日垂垂以竊盼兮景依依以悽清

憶聚廬以托處兮爰顧瞻於室楹昔席瓊之弗蔽兮

命鳩工而改興鑿東牕以納涼兮對綠池以啓庭曰
炎夏吾與居兮乘薰風以落成轉歌斯爲哭斯兮曠
華廠以誰寧步家園以薦藻兮見佳菓之蘂蘂樹盛
綠以爭茂兮榴鬪紅而艷開追遊冶於初春兮木始
芽而草萋或攀芳而蓄旨兮或耽玩而親培室內有園母嘗
親歷羣卉生而旣碩兮形神逝而莫回尋生平於響
其間像兮盡觸物而增哀懷天倫之序樂兮惜良會於來
今余成人而有室兮願效順於瑟琴顧童孫之牽裾
兮比蘭芷之清芬季奮翮以初翔兮爰鴻漸於儒林

是月弟試報入泮而母疾作並承歡於朝夕兮舞青青之佩袿乘

弱冠而嘉止兮將迨冰而委禽曰履祥其未央兮差
足當乎慈心捐良時以長背兮痛邈邈兮徽音嗟余
驚乎蛙角兮偕厥弟而羈郡時應科試比聞捷之七日兮
遇萱庭之違順尺素阻於水雲兮寸指嚙而莫應悔
顧私而罔恤兮詎不違於王命疾三日而言旋兮曠
朝昏之省定追昔感而填膺兮撫近事而太息情哀
哀以誰訴兮思悠悠而莫卽身熒熒而處歎兮恨綿
綿而曷極嗚呼已矣乎死者日以戚兮生者有時而

竹園類集 卷之七
歌匪母命之不壽兮時余之辜使夫余幼而易育兮
長而英多獲祿仕於早歲兮佐菽水以歡娛或竭力
而服勞兮供子職於採蕪罔高堂之詒肄兮使惠迪
於天和詎春光之易逝兮嗟駒馳於隙過且使余能
善承兮齊厥弟之和婉得慈帷之歡心兮用致慶於
洗腆既子婦之盈前兮亦孫孩而婉孌何一弟之未
達兮遂百憂之弗免嗚呼已矣乎時余之辜死莫贖
兮悔無那方母疾之未作兮勿久滯於旅塗釋雲山
之入夢兮免延佇於門閭安可時而問兮病有與爲

扶則夫疾或可不作兮作亦易甦嗚呼已矣乎余之
辜兮悔無那而曰天實爲之兮命莫如何母乃報德
無僭兮有時而訛兮嗚呼天耶命耶予之辜

重曰嗚呼已矣乎心悲兮腸斷淚落兮血枯夜哀兮
猿狖曉啼兮慈鳥鳴聲兮悽切情同兮類殊心知兮
莫返皇皇兮懷望思魂兮歸來下招兮巫陽瞻像兮
疑真夢見兮匪妄靈如許兮偕往願同殉兮三良終
不可以復得謹遺體兮勿喪曜靈駕兮急節四序逝
兮若飛春草平兮花發秋月碧兮霜霏夏暑酷兮白

畫永冬風凜兮夜何其嚴君獨宿兮空帷大母垂朽
兮心悲盡家人兮浩歎况膝下兮疇依嗚呼已矣乎
日復日兮成月逝復逝兮逾疎適千里兮越國橫江
漢兮揚波縱燕秦兮絕漠踰岱華兮涉河青春使兮
髮白雁足絕兮音無有時兮歸來離別兮斯須幽泉
兮永隔杳杳兮長徂日月兮旋窆永托兮山阿松青
兮蓊鬱草蔓兮薜蘿遺棄兮不返願見兮如何嗚呼
已矣乎余之苦自比兮貧賤貧賤兮不終枯自比兮
患難患難兮有時過自比兮疾痛疾痛兮時復甦極

世間兮萬苦無如此兮深疴雖順時兮哀變彈琴聲
兮旣和忽一念兮私至歡樂少兮哀多誠終身兮永
憂閔小子兮奈何

大母徐氏行狀

歲丁亥六月己卯大母違養家君寢苦讀禮小子鴻瞻侍家君指禮書謂曰親有善弗知不明也知而弗傳不仁也吾窮於世也久無以揚顯其前人吾嘗具列前人狀以垂家乘今大母孝慈貞淑婦德尤嫜吾毀不能書若能之不乎小子泣稽首受命大母姓徐氏邑東三十里中谷公之女公子男女七人大母仲也幼穎慧識見明卓公有事每與之商確輒能決以義理公愛之賢於他子始大父文學華嶽先生既問

名邁疾廢人道辭弗娶曾大父文學瑞川先生以告
公弗憚謀更醮大母義形於色誓不可奪公由是哀
憐其女嘗自尤將納徵歎曰吾誓不食女食既而公
受幣舉觴將祭注酒不下壺有隙以蠟遂感疾而逝
大母躡踊哭曰得毋以吾故傷大人何其言遂爲識
也既免喪歸大父善事舅姑時曾大母林氏已嬰疾
長支牀褥大母初嬪卽脫妝以待雖猥事必躬親凡
歷五年弗倦曾大母乃終大父母無出本生大父華
巖先生娶鄭氏生家君二歲季父遺腹遂謝世鄭大

母栢舟自矢年僅二十四也兩大母同撫兩孤家君
以長繼遂立爲大父後當是時曾大父年已老家庭
間手足妯娌交相友愛甚獲曾大父心曾大父舉曾
大母喪及本生大父同厝邑西二十四都曹舉費俱
出大母時且有阻葬者曾大父詣縣訟理月餘乃克
窆大母盡質其奩飾凡其積歲月而後成者一朝立
盡無難色也曾大父壽七十三疾篤訣諸家人曰吾
歿也寧矣吾二婦有大節吾孫雖幼知必有成也遂
欣然喜笑而終大母所嘗言越十年大父卒家君年猶幼

內外之務悉聽於大母大母德有其才勤於女紅課家君以學能成家君而育余小子者大母之力多焉大母治家謹肅與鄭大母俱孀居足不踰閭一切劇場歌舞之娛終其身絕於耳目又素不信浮屠其治曾大父及大父喪也塋祭如禮有議以浮屠送終者卽斥之必勿用其戒後人之送已亦如此嗚呼此皆余之所紹聞而謹識之不敢忘者也若余獲事大母者三十年前之六七年幼而不能記憶矣後二十餘年大母已耄老矣故余所親見大母者無他事可述

然於其一一事而竊謂有以盡其生平也大母要厚於性而達於理性厚故慈孝獨隆理達故邪正弗惑余幼時始就外傳歸聞大母哭甚悲莫知所爲問之曰吾思汝大父數十餘年嘗如是也已而習見其然年旣衰默於言語及爲我述先德歷歷至泣下勿自休遇下甫嚴而寡可至與鄭太母同爨五紀未嘗小有違言少疾必謹至死生絕不爲慮年已桑榆無一言及於後事余嘗進曰大母百歲後何以云不用浮屠也世傳地獄果有之奈何大母卽曰吾在家父母

稱吾孝歸汝家舅姑謂吾賢雖有地獄我不入之矣
况無耶嗚呼夫遠者人之所易忘也其厚於思也如
此則其他無不厚可知矣死生者人之所不能釋然
也其達而無所畏如此則其他無不達可知矣此尤
其一二事之可盡者也大母生嘉靖己未七月四日
壽八十有九平居既老而康耳目聰明飲食如壯者
客歲會鼎革自城避鄉雖歷涉艱難未嘗少疲不幸
及今寢疾十日而歿嗚呼人生自老而終自終而遠
自遠而忘者必然之勢也如大母之行卽余亦半在

所聞今不爲識後孰從知而爲之傳耶此家君所以
嘗勤勤於先世行狀之載而茲復授管於小子也若
夫闡幽表微令揚顯於當世余則無力然亦安可不
知自勗耶

揭寢室
 頽日妥侑之章
 禮崇其先始自高祖自高祖考四筵設簋孝孫顧之
 宜建厥祠媿予未能奉主於茲室小莫闢其潔其嚴
 容與聲與惟時仰瞻爰述先德以赫厥靈匪曰勿忘
 神假載寧惟我高祖佑啓後人篤生我曾才行邁倫
 詒我孫謀時惟周易手澤如新微挾幽剔我祖嗣之
 用濟厥美蚤歲蜚聲冠茲多士本生之祖不幸早世
 勁翮未伸志存後裔幽貞之節祖妣雙賢成我祖父
 女德其全顯考少孤孝親友弟懿行聿彰文名蔚起

揭寢室

頽日妥侑之章

禮崇其先始自高祖自高祖考四筵設簋孝孫顧之
 宜建厥祠媿予未能奉主於茲室小莫闢其潔其嚴
 容與聲與惟時仰瞻爰述先德以赫厥靈匪曰勿忘
 神假載寧惟我高祖佑啓後人篤生我曾才行邁倫
 詒我孫謀時惟周易手澤如新微挾幽剔我祖嗣之
 用濟厥美蚤歲蜚聲冠茲多士本生之祖不幸早世
 勁翮未伸志存後裔幽貞之節祖妣雙賢成我祖父
 女德其全顯考少孤孝親友弟懿行聿彰文名蔚起

操冽神清撫卷自怡淵矣邈矣三古之遺顯妣嗣徽
恪共內則曰孝曰慈猗歟婦德閔予小子才薄能鮮
生我成我先澤是衍春爾零露秋爾肅霜俯仰几筵
以妻以愴追惟令德罔敢失序庶幾子孫世守厥緒

製龕遷主告文

曰口自居東河世奉其先大宗有廟支庶家裡肅將
於寢惟時告虔洎經鼎革居則屢遷藏主無所憂心
如煎茲就書舍龕宇初蠲於家爲近視寢尤專自高
至考奉主居焉未足云祠獲罔所愆庶幾長世以永
其傳涓茲吉日捧匱以前祇陳果酒於告於宜謹告

既假再告文

詞曰萃渙之義廟所由崇山澤之文禮不嫌膏循士
之制有廟雖非僭踰考堂之規舉禮未敢弘大茲室

久稱別業甫製新龕奉主以居隨時致享旁成家塾
仰遺經之勝於遺金心稟先型思積書之兼乎積德
朔望展禮明發動中前告有辭茲臨再安謹告

始祖義陽侯傳

朝議大夫附

鴻瞻少閱家譜記始祖義陽侯遷獨峰及別朱氏郡
望爲義陽事私竊以爲侯之自貴其爵也如此侯之
以其郡自爲一世而與傳之無窮也如此及今重修
譜牒據侯之迹論侯之世又得沙埠派譜載二世朝
議大夫辭襲爵事乃知侯蓋唐末一忠義士也少時
所見不足以知侯也按譜侯諱材李唐時以謀略文
學仕至金紫光祿大夫尋封義陽侯厥後以義陽爲
郡又曰先居福州赤岸天祐間避亂徙居瑞安獨峰

何國英事
里未歿時於來暮鄉錢畧村營壽藏蓋塚舍後暨夫
人合葬焉沙埠派譜載侯居閩之長溪唐進士歷尚
書左僕射金紫光祿大夫封義陽侯致仕乾符二年
避黃巢亂遷獨峰里生唐宣宗大中丁卯卒後梁貞
明丙子壽七十又載二世祖諱鎮字軒生唐乾符甲
午卒後周廣順壬子壽七十九膺詔入京襲爵三疏
辭恩封七朝奉大夫其他生平行實皆遺軼不可考
然卽此推之忠節著矣粵稽朱溫之篡也在昭宗天
祐一世帝祝繼立遂不改元侯之以天祐來也避朱

溫也別郡義陽示不與溫同系也自世其郡卽梁震
在荆南稱前進士意也獨峰近江潯必由閩航海來
也侯閩產不入閩時閩爲王審知所據陳文子所謂
猶吾大夫崔氏也營墓來暮深入窮谷與世遠也且
示終於此已也朝議固辭襲封繼前志也忠無忝也
恩封大夫安知不在李存勗之世溫有天下十七年
而亡大夫壽高八十卒於廣順當必然也但謂侯致
仕於家乾符二年避黃巢亂徙瑞者非是旣稱侯生
宣宗丁卯則乾符二年侯方年二十九封侯當不應

如是之早况致仕耶且使侯封既早則其年盛氣銳
遇巢之亂必將起而討之避云乎哉爲此說者蓋不
解侯來遷之由而意之曰爲黃巢故考巢之亂實始
乾符二年遂繫之而不加察焉耳若天祐則侯年六
十見幾而作度其時考其事均有可信嗚呼聞侯之
風可以感而興矣苟謂吾說不然則侯於温有族可
附於己有爵可居何不足於爲馮道歟且温都維揚
又何必避之深而來之遠歟而其子之固辭襲封又
何意歟人之爲子孫者莫不誇其祖宗之貴顯夫孰
知貴顯不足多而惟賢傑之足 尙哉

朱氏族譜提綱要覽序

族之有譜也使爲子孫者上溯祖宗之原本則生其
孝也下考支庶之脉絡則厚其睦也見善思效則近
且親而易感也故事不遺又將曰吾有所受之也以
至人之始終世之久近居之離合時之常變禮之因
革胥於是乎徵焉此人道所重係不可忽也吾義陽
朱氏譜昉於李唐末造義陽侯朱紹興十一世祖教
授公倣司馬氏年表及歐蘓二家譜例條列爲圖後
歷明代凡經四修矣第世彌積人彌繁守其成規屢

續而書之傳世雖明而帙厚事纖漫無統緒子孫展閱未終輒倦以爲不過類一題名齒錄間讀其首簡弁言及考圖系足矣遑徧觀而詳核哉是有譜同於無譜孝睦之意從何感發嘉言善行曷由推求已事多所遺忘復何暇論其種種也康熙甲子弟鴻儀勉予重修數四予置不答者久之正坐是故一日再三繙閱求其有裨後人覽觀不徒僅綴紙尾且念經變亂山童祠廢廬燬人徒宜書之事尤衆於是奮然珥筆自世系之葉葉相承各有註記外復爲總舉其大

綱若人望若婦節若丘墓若里居若祠院若歲祀若勞績若古蹟若時變倣史家之既有編年以序書之復有傳記而彙挈之分門別類前立目錄使讀者覽其目錄必思向後搜尋閱其諸綱自不容已於求目且其綱領指趣約略可盡當有事宗祊昭穆咸在之時問一講讀家法著明童穉嫻習名曰提綱要覽云其先世舊本併加葺續必兩存而世守之庶不昧所從來亦得識其體制敢告後人其母忽諸

東河小宗譜序
 東河在邑之北郭吾二十一世祖竹居府君暨其仲
 弟自崑山始遷卜築於此譜自二十一世已下至於
 吾已載大宗中而又別為此者詳吾所自出之意也
 吾所自出列於大宗譜中於例不得獨詳故又別於
 此也然亦非以吾所自出故欲獨詳如蘓氏意蓋以
 世近吾身親歷所見所聞與所傳聞最真情不忍忘
 不得為之略焉耳夫人傳世既久大宗之前非無大
 宗小宗之後又有小宗人各宗其宗則亦可自世其

東河小宗譜序

東河在邑之北郭吾二十一世祖竹居府君暨其仲
 弟自崑山始遷卜築於此譜自二十一世已下至於
 吾已載大宗中而又別為此者詳吾所自出之意也
 吾所自出列於大宗譜中於例不得獨詳故又別於
 此也然亦非以吾所自出故欲獨詳如蘓氏意蓋以
 世近吾身親歷所見所聞與所傳聞最真情不忍忘
 不得為之略焉耳夫人傳世既久大宗之前非無大
 宗小宗之後又有小宗人各宗其宗則亦可自世其

世東河適當大宗之二十一世一數方始卽以爲小宗之一世也可不改二十一世之名而有東河一世之實焉予小子東河七世孫也雖然東河祖不獨吾所自出茲獨取吾之嫡系而譜之耳東河兩祖其仲祖爲吾之旁支不與竹居府君生三子其兩子亦吾之旁支不與惟仲子爲吾高祖之父吾高祖有兄弟焉吾曾祖有兄弟有從兄弟焉吾祖有兄弟有再從兄弟焉吾父有兄弟有三從兄弟焉皆錄而書之以爲東河小宗譜

族叔厚菴先生墓誌銘

朱氏自吾始祖義陽侯以其封別表郡望三世徙居邑中峴山傳世二十有六至吾叔父厚菴公歷七八百年園林廬舍猶仍先世故第子孫保有先業不可謂不久至公之克裕後人又有如司馬家訓所謂積陰德於冥冥者今於其卒而塋也書而納之幽宮公諱世綸字天蘊厚菴其別號也曾祖諱塏祖諱德有考諱用哲妣夏氏皆不仕公娶宋氏生子鴻增卅歲游庠食餼上舍文名方藉甚

皇清定鼎初鄉村盜熾既平捕者按保甲連及於良民公往往佐幕爲白其無罪者全活數十人順治戊戌海寇犯江甯艘過吾邑破城聚輜重里有儒人乏餉將繫之下海公願以身代賊問故對曰彼有親在我亡是賊義而釋之公少孤母孀守一弟兵亂去外州公孝養惟謹其生平重然諾敦信義厚於朋友故舊吾不多述惟茲二事其一類于公平反其一如子厚願以柳易播爲德於人所不知誠有如司馬氏所云者吾蓋有念於承先之久而重望啓後之遠也鴻增

勉乎哉公壽七十生明萬曆甲寅五月二十四日卯時卒清康熙癸亥正月三日子時卜兆在邑西橫山祖壠之原以乙丑八月十四日午時窆子長鴻增娶潘氏生孫男士譽女鳳皆幼次鴻益幼穎異解屬文年十五卒女子淑適邑庠金子兆璵旣誌且銘曰善貴於積德行以陰峴山長世侯澤已深大啓厥後又在於今思公二事有觸予心推及其餘咸貊其音列辭幽虛百禩同欽券以克昌司馬是任

卷之七

吳氏誄

夫公之於世也...
 年十有五年...
 其母氏...
 公之於世也...
 公之於世也...
 公之於世也...

亡室吳氏誄

誄展禽者其妻謂不如我之自誄予之於妻也亦然
 自宗人以下哀詞種種予謂未足慰諸幽遂自誄之
 曰繄惟吾家世有婦德太姑妯娌幽貞孔特先姑嗣
 之孝慈維則皆君逮事祗承靡忒北堂代終中饋君
 司克儉克勤外內均治送往育居艱瘁以支歷三十
 年君力靡遺君今逝矣予不君述人皆愛君知君罔
 失宗人涕洟嫻隣贈恤舉家盡哀懷德如一勝子銜
 惠尤人所難妬苟不免曷使涕潛叔氏昔少亦念君

竹園頌輯

卷之七

七

艱凡厥猶子追君莫攀君全而歸雖歌何忌予知君
心有不如意君五舉男不育凡四長既成人又先君
棄人孰無恩天性肯捐君懷耿耿我寧不然君當永
訣予語君前謂此乃命無損君賢婦人從夫由人臧
否耦苟非倫亦莫自保以君視予如何作好賤不榮
而所誦非道悠悠斯人誰克久長草木同腐雖壽亦
傷予志千秋君庶不亡君其自慰母枉悲殮

邑崑山朱氏吳元配之誌

此朱鴻瞻妻吳氏室也朱鴻瞻邑之志士嘗自負曰
吾不媿爲邑人其才度可用嘗希慕劉東山之爲人
思自効於郡邑始又嘗曰苟行吾志必俟時生今之
世恐不獲乎上民不可得而治也是以雖窮無所恨
頗著述章起鴻贈之詩曰研經精確有知新著論明
通寄逸史莫謂吾鄉無傑人千秋大業應推爾嘗矜
而誦之以爲知己窮則無以榮吾妻雖然豈辱吾妻
哉妻苟不淑亦無以配鴻瞻然吳氏自可人父鹿巖

處士諱思孝母虹橋朱氏年五十八康熙十有七年
二月二十九日卒以十有九年九月二十八日葬蘆
浦林家畧之原生子五殤者四長士肇旣游庠兩舉
於鄉年三十二亦卒今妾有子士輔聘蔡氏女適周
子一霧士肇娶倪繼陳又婢瞿倪生女異適鄭子之
炬瞿生女宜殤陳氏守志婢偕守又孝且慈視吳氏
可謂嗣徽音者穴左予營生壙其上則自曾祖及先
人人東澄先生墓在焉傍爲士肇倪氏銘之曰
婦小專賢視其夫爲君之夫乃曰吾吾生不知忝君

無悠悠尚論後人須

誄誌皆高自標置思慰亡者
爲其不得之子始得之夫耳

無效然尚爾

若謂昔自謂自謂自謂自謂自謂

祭亡男士肇文

惟康熙十有一年歲在壬子閏七月甲戌朔越九日
 壬午冢男士肇亡三闋月矣父自京師回痛甚既
 成服舉七鬯於靈前思相慰以塞其悲而諭之曰嗚
 呼貪生畏死人之情也汝縱不貪生有必不可以不
 生縱不畏死有必不可以死者蓋為汝上有待養之
 老親下有待字之幼女我知汝之死必有為父若母
 而迫切於心如不可解者則汝之抱痛九泉不問可
 知也若夫我之視汝又必有不可以不生必不可以

死者蓋爲汝母五舉男子而獨留汝一身汝既成人
有室望汝嗣厥後我之遺書望汝讀我之理行望汝
承我之詩詞文章望汝纂輯則我之爲汝抱痛亦不
問可知也我思汝痛而益增已之痛汝見我痛而益
痛於地下是生與死各以其痛而互重其痛也嗚呼
痛矣無可奈何矣我今欲汝不痛以釋我之痛我先
爲不痛以解汝之痛則生與死又各以其不痛而互
輕其痛也苟生與死互輕其痛則生可以不貪死可
以不怖一付之天而於我無與焉是亦我與汝各自

善處之道也今試爲汝敷心腹腎腸歷言我之所以
不痛者以告汝汝其爲我諦聽之蓋汝之意必曰我
父若母老矣我旣壯而天庶弟士輔稚甚未可恃嗚
呼有是言耶若我之意則不以汝死爲無子汝雖死
我仍以汝爲子稚弟以支子視之可耳何言之蓋汝
年三十有二矣有元配又繼室生有兩女廁名於庠
者十有五年漸升上舍舉於鄉者再有子若此我可
謂無子乎汝雖死我其不得以汝爲子乎爲今日計
首當議汝之繼以彌汝祖我使他日先祖禋廟之

側我爲宗子汝爲宗孫以次相承家重大宗我其不得舍汝而別求他子明矣汝試一返觀設使汝年未壯不娶不舉女子不列於庠無聲名於賓興而遽天死是我不得子汝矣大宗之祠汝亦不得預矣我之痛將如之何耶汝之嗣我屬望於汝從弟士勗之子以爲汝後天若憫我垂祐士輔則使別爲小宗可也且人惟不識兄弟之子猶子耳苟識兄弟之子猶子則立從弟子爲汝後豈惟我非無子卽汝亦非無子也其事較待士輔子爲速此則我之所以處汝者也

汝又必曰我父母老非我莫能養父之理行文章非

我莫爲續承是又不然人苟徒養之爲見汝死之後我其饑乎寒乎稚弟雖幼我卽旦暮死有汝季父從弟在我其棄於道路乎是養生送死我不必執定有賴於汝也且我之文章理行惟不克自成自立耳苟能理行卓卓文章表表成我亦不藉汝試觀先哲名人後世尸祝何嘗詢其子爲何如人也况汝在日已能讀我之書矣已能紹我之文矣人苟詢我子亦未嘗以不肖爲我累也我又何悲又汝或以不克承年竹園類輯卷之七

自咎此非汝之罪也蓋我譬如形汝譬如我之影我

之生受氣於天者薄汝受氣於我者薄而又薄此亦
上天生物之氣不克充周使然汝何懟焉我亦何懟
於汝焉我惟有見乎此誠可以自釋其痛而不爲強
飾之詞以姑慰汝汝見我能自釋可不忻然自慰而
瞑目地下耶設使不以我之釋痛爲慰而傷已身之
受享未足此不顧其父母而自私自利人也於汝何
取焉汝稍識義理當必不然矣我自京回先以釋
痛之言語汝母汝母亦頗解我之自處惟力學不倦

以忘我憂處汝母及處汝婦汝女皆得當汝母痛釋
可如我汝婦初求死家人守之彌月懼勿克繼聽我
言姑畱生以盡養汝母甚悅而婦汝在九泉咸可免
父若母之爲慮也凡我所爲如此及議立汝後事皆
天理也循天理而行又不敢責報於天我惟如此而
已汝亦惟如此而已其咸釋厥痛尚饗

藏故子書記

故子士肇少遊庠習易經勤於舉子業

朝廷初繼

明制用八股藝取士康熙丙午更用論策己酉仍復

八股士肇隨其所試皆苦心摹畫兩舉於鄉不中年

三十二不幸疾卒時壬子五月二十日也予以資貢

之 京廷試七月十八日還杭聞變閏月三日抵家

既痛甚旋思自釋以慰泉下恨為文告之歷言已之

所以不痛者無俟效郗超暴惡以解父也八月既望

予詣萊竹軒讀書處啓其帷收其遺書令負回藏之

竹園類集
香室因記之計集其所爲八股論策諸菀間有詩藁
彙爲大帙未暇選擇又有手抄左氏傳一本韓蘓諸
大家文一本皆端楷可愛又手錄闡牘八比及策論
計經書共一十二本皆有鈐記成誦間爲序文又凡
時菀經其評閱者概存之其選餘不取者亦不棄去
所讀易經本義及諸名人訓詁合叅衷旨堅白鳴九
鼎又玄初談心訣共一十二本幼習尚書又習毛詩
有手錄詩經篇旨一卷又以少多病思延年益壽敬
信袁了凡先生格言手抄文昌化書序其首及奉感

應篇金剛經檀經斗經廸吉錄日知錄功過格醒書
遵生八牋共一十八本此雖予所不取然亦能知自
愛觀其座右書銘及錄前賢嘉言懿行以自警省雖
從因果起見要亦敦行事也使永其年予返之歸孔
孟正經不反掌易耶凡此暨席上硯餅篆爐印章詩
畫諸玩物皆拾而歸之靈側其他經史百家子所嘗
覽仍貯菴竹帷中又有四子書抄予纂說未竣予置
几上俟續成之不與藏嗚呼士肇雖天非殤不可無
後他日有爲之嗣者念厥考手澤暨乃祖記之之詳

竹園類稿 卷之七
如此能無過廟思敬過墓思哀之意乎是亦予所與
倖而不敢必得者夫康熙壬子八月十七日默齋記



葬殤宜詩

老年不任悲忽爾刺我腸聰慧少成質動止具溫莊
離襁甫十二簪珥已成行珠翠分顏色肌髮含貝章
牽衣娛老祖學繡慰慈孀送姊于歸後依依解伴孃
庶母憐出腹嫡母教新妝念汝父無男盛愛鍾女郎
謂當如姥願門楣生來光胡爲嬰微疾隔歲遂支牀
呻吟踰冬春漸至絕水漿醫庸失藥理禱祠空傍惶
五月日之七玉碎珠埋藏未忍停殤柩涕洟送北邙
砌石周土面置汝祖塋傍屏巖左側起加封域孔良

憶昔韓昌黎女挈死他鄉年方十有二汝齒與頡頏
初瘞層峰驛遷歸自潮陽告以文及誌悲淚灑幽堂
稚魂知不知誰憐祖父傷人生重恩愛今古一天常
勿嗟遠父墓省祖顧汝長音笑永以隔悲風吹白楊

宜士肇妾瞿舉生康熙己酉三月六日辰時卒
庚申五月七日未時塋第必山院址後屏幃側

書婦陳氏寶傳後

史例孝子節婦非已歿不書事未定也爾志定久惟
我知爾傳非我不得詳故預爲爾書於家乘又題其
末曰噫爾義非圖利然利亦莫利於爾之義爾不去
我子雖死不死我見爾如見我子爾利我一爾不去
爾自榮爾自利一爾不去爾父母有令名爾利爾父
母又一噫爾之心豈爲是哉

竹園類輯卷之八
壽某別駕序
代
別駕某公涖甌郡始二月郡人困於賦公略為區畫
一郡遂蘓郡屬邑有五無遠邇皆德公孟夏之月公
自郡下瑞瑞人迎之郊草樹蓊鬱旌旆參差爭先而
擁觀者不啻景星卿雲之見也是月也值公懸弧之
辰有願先四邑為公壽者曰盍呼爾類祝我某公公

壽某別駕序
代
別駕某公涖甌郡始二月郡人困於賦公略為區畫
一郡遂蘓郡屬邑有五無遠邇皆德公孟夏之月公
自郡下瑞瑞人迎之郊草樹蓊鬱旌旆參差爭先而
擁觀者不啻景星卿雲之見也是月也值公懸弧之
辰有願先四邑為公壽者曰盍呼爾類祝我某公公

竹園類輯卷之八

瑞安朱鴻瞻表民甫著

慶唁類

壽某別駕序 代

別駕某公涖甌郡始二月郡人困於賦公略為區畫
一郡遂蘓郡屬邑有五無遠邇皆德公孟夏之月公
自郡下瑞瑞人迎之郊草樹蓊鬱旌旆參差爭先而
擁觀者不啻景星卿雲之見也是月也值公懸弧之
辰有願先四邑為公壽者曰盍呼爾類祝我某公公

竹園類事 卷之八
昔平政布澤其同今來跡瑞惠必加隆始瑞之疲公耳未目寇經其廬師殫其蓄災禱方殷流移未復惟公之明素察爾情矧今戾止兼覩厥形我公而父我公而兄公也若此而我儕小人利之弗庸不聞觥稱幽雅祝介華封者乎聞者僉再拜稽首曰然更有言於列者曰若知祝公之遂爲公壽乎亦知公之所以爲壽者乎聞之書曰天壽平格又曰殷乃引考蓋自古新造之邦必有元德之臣厚植其基以固國家之永命俾再傳之後得就養恬百世樂利人絕天瘡乃

後書洪伐銘豐功與太平守文之君共萬年之福今我某公職佐大農 命典國計師旅未息經費不細公獨軫民艱施仁緩稅代嚴以寬畜民以惠何我公之獨厚此邦民哉是必有見於平格引考之道而欲以壽民者壽其國也方今 新運鼎盛公且妙年行膺 帝簡施惠彌遐吾儕他日壽考維祺皆拜公賜則公之壽豈直詩人華封之云已哉又僉拜稽首曰然余時在民伍聞其言而大之遂書爲序因歌以壽公曰公之德兮甌海滂洋公之齒兮日出扶桑澤流

不竭兮壽考無疆 帝詔才兮堪棟梁公萬里兮忽
翱翔發巨橋兮佐周王為霖雨兮沛殷商幸逢公兮

一稱觴願言他日扶杖兮壽公未央

別駕抵瑞徵糧苛甚邑人思壽以媚之用祝為規

[Faint bleed-through text from the reverse side of the page]

壽武林李君六十序

吾鄉分星紀跨吳越之地自溫下邑瑞達杭未逾越
境而浮舟策驢歷水陸者千餘里瑞士仕宦者上春
官而試於京五月聚糧試於杭參之一焉瑞之去杭
亦遠矣哉遠而求所依不可以不得其人武林李君
某慷慨人也棄舉子業去為藩掾與人交甚厚吾瑞
之士於余為先達者同進者後來繼進者無不依於
君三年一大比君廣其室納客如州學舍順治庚子
既薦之二年某月為君六十辰我瑞士咸眺望西湖

竹園類集 卷之八
作爲詩歌馳使壽君命工繪圖屬予爲序書於圖之
上方余惟人之爲壽有年之壽有名之壽壽人以年
者期之百歲百二十止矣獨名則不然近者當時遠
者後數十百世亡終極君之名可自力致於當世吾
且置勿論但觀君客之與君交於千里外者皆足爲
君名昔吳季札聘遊列國其所交好鄭則子產齊則
平仲衛則伯玉郭有道所至擇交友符禕明於陳留
師仇季智於太學交黃叔度於汝南賢者之適遠方
皆不輕於所與而相得益章如此今瑞士翹翹然負
奇以應聘由澗之東而來者問其所至曰君也由澗
之西而去者問其所自曰君也夫豈無賢者之流亞
與謂不足爲君重當時施後世吾不信也余故不以
他辭壽而獨取名之說爲君壽焉

壽敬山顧君序

凡德之有以及乎人不必以其位也事之有以當于
幾不必以其勢也故古之杰士往往有勢位之所不
在而其所圖之功有時為有勢位者之所不及吾竊
觀世之人徒見夫貴盛遭時顯施其澤而不識仁人
濟物陰用其權斯已愚矣有越君子敬山顧君意氣
士也為人多智識好結納然諾必信故與之處者人
樂為用其來居吾瑞日久今年夏瑞有負芻之難邦
人震恐惴惴焉懼平是難者必將肆崑岡之烈相率

竄匿雖智者亦將不免君獨曰變從中起非我所致已將解去而我師未臨當亟白之當道綏寧茲土何懼焉於是衆心少定時君方當懸弧之辰衆不敢請君毅然許行然驛路荆棘君竟以微服間道達郡絕城而入會當道者仁憫已力爲瑞解然言者猶以偵未真得君至陳其事始獲寢是君一行使上之君子得以宏膏澤下之人民得以蒙生全功何偉歟吾用是益大服乎君也夫下之於上有請而必得者急有請而不必得者矣請而得則所利不獨在一身請而

不得則所不利將先及於己方君之往也以至難請之事與不可必得之勢利不利蓋未可知也君言而行利與害勿恤也若君者殆可謂忘己救人者歟自大道喪人各私其身雖以強有勢力之人非其職則不敢言曰吾懼越俎也當其職又不肯言曰吾懼觸冒也觀望選懦生民何賴焉使之聞君之風當亦知所少愧矣夫仁言利溥子產見美於春秋排難解紛魯連推重於列國方之於君足以相喻詩曰樂只君子遐不作壽非美眉壽也謂其有致之者也又曰

令德壽豈非幸壽考也謂其有宜之者也君之往郡也
 以誕日於其旋也邑人欣歡鼓舞慶有幹年謀於
 予稱觴祝君子故為是言以識君以知德之有以及
 乎人事之有以當乎幾者誠不必以其勢與位而為
 勢位之所集者其亦知所與感云


敬山紹興人居瑞安順治十五年海鯨圍瑞守
 者降既退郡帥將問罪於瑞敬山往愬得寢
 人擬舉壽以報之屬予為文文雖
 就舉亦不果然予感其事錄此藁

壽霞山趙翁振雅九十序

齒之尊於天下也尚矣成周養老八十杖於朝九
 者天子欲有問焉則就其室以珍從歲當延狩翠華
 所至訪百年者就見之其他賜之粟給之帛徧及所
 謂養於國養於學者尤不待九十而後與後世引年
 之典不及上古然百歲翁亦未始不加尊異雖庶人
 建坊以表之登於郡邑志曰人瑞云今我振雅趙翁
 壽九十矣優游紫霞山下或陟於巘或憇於林時眺
 大海之飛濤以舒嘯時坐丹臺之明月以長歌食生

飲寒髮華齒固矍鑠踰於少壯百歲度可俟雖不獲
膺成周降至尊之盛典越七八年後爲吾邑人瑞行
當白令長聞於當道吾其相地度材以須矣攬揆之
辰賓朋謀介予從其後以爲箕疇福五惟壽爲先而
好德富及康寧考終皆次於下然則翁之福亦惟翁
之壽莫能過若其素履之芳子若孫之仁且孝爲常
人所得而易齊者吾又何庸舉焉翁賦性樸凡世俗
綺錦屏障習爲侈靡以進者一切拒弗納惟予二三
親知作爛柯小畫求予言書其上翁遽喜降階引而

升焉予翁世姻大父與翁雁行而翁獨蒼顏戟鬚森
然如松柏之長青其可敬也夫其亦可感也夫



壽黃山人八十序

昔蘓子瞻謂靜坐深山一日如兩得年七十如百有四其曠懷高致超然遠解矣及我生今之世論今之人則又以爲凡得年七八十以上者皆若增筭無紀極歷閱數百代之天下者然何也今之七八十翁溯其生必在有明神宗之世如遇古成康守文躬享太平者三四十載及明祚將移中原鼎沸又如履秦項爭雄之代至於赤帝運輿大物已定而吳楚縱橫又目見廟謨許久削平禍亂克建周亞夫之勲仍奠

斯世以平康其間身親目覩若將有以窮盛衰之運
觀天地之化豈直深山所得百有四十而已哉吾邑
黃山人達夫故閩閩家子性嗜酒知書史混跡耕釣
間與野人伍終日不出一語一遇士君子輒能與上
下今古年八十輿人稱壽予爲山人述其生平所歷
之長援古史以證之皆山人所素聞事予蓋以人之
生年不滿百其常也辟穀服氣長生久視之術方士
之妄也君子上觀千古知人關人而成世由後視今
猶今視昔故易曰原始返終故知死生之說得乎此

意而山人之爲壽者不過如此已足爲無窮極矣抑
山人涉世險阻饑饉鋒鏑躬皆備嘗吾嘗見山人其
氣靜恬其志堅忍故能有以全其天而永其年則又
若有得於靜坐深山之效又何多求哉昔康熙丁巳
十月之望也

吾邑錦湖林鶴菴先生七十序
識不識皆稱林先生若魯人之稱石守道為徂徠先
生者然先生年七十從游製圖徵予言以壽予亦從
先生游者雖然予何言以壽先生哉意亦惟先生博
學好古行已在古人間姑取古之有道近似先生者
以相况庶或當先生尚友之意一揚鱣焉可乎嘗觀
先生當有明時擢明經高科已拾青紫如芥將母蒙
稽古之賜焜耀閭里如漢桓榮乎或曰否否先生不

壽林鶴菴先生七十序

吾邑錦湖林鶴菴以經學擅時名邑人無少長遠邇
識不識皆稱林先生若魯人之稱石守道為徂徠先
生者然先生年七十從游製圖徵予言以壽予亦從
先生游者雖然予何言以壽先生哉意亦惟先生博
學好古行已在古人間姑取古之有道近似先生者
以相况庶或當先生尚友之意一揚鱣焉可乎嘗觀
先生當有明時擢明經高科已拾青紫如芥將母蒙
稽古之賜焜耀閭里如漢桓榮乎或曰否否先生不

屑也又意先生隱居教授語惟經術非學者無見也其歿晦之管幼安乎閉門掃軌當事罕識其面其守嘿之劉季陵乎或曰否否先生非果於忘世也又非若二子涉亂世而有所不得已也國家定鼎先生嘗再以明經薦矣繼自今苟有蒲輪束帛加璧而造請焉未始不可申伏先生也固勝先生也此數公者年皆八九十餘始見知人主吾其以後二十餘年事爲先生期抑何如或又曰否否然則求足以當先生者必何如而後可噫嘻我知之矣先生孝友人也自

樂其天倫之樂者也當明經再薦時先生曰吾老母景薄奄奄矣堅臥不起觀其辭書數上詞意哀切過於李密之陳情志可知也且吾嘗聞先生自其大父時已有陳太丘荀朗陵之風先生所事皆八龍二難匹而先生其載諸車置諸膝者也今先生之身又自爲太丘朗陵而載車置膝者復有其人然則先生無必隱心亦無必仕心仕而爲桓榮爲申伏固勝而其樂惟是隱而爲管幼安劉季陵而其樂亦惟是猗歟吾其取李青蓮游宴桃李園序語爲先生歌曰游芳

竹園類稿 卷之八
園兮春晝長敘天倫兮樂未央爰進一卮爲先生壽
吾知先生必起且舞更引大白和歌嗚嗚吾亦必竊
聞諸人曰老生知言哉

壽中坡徐母六十序

山川清淑之氣鍾而爲人靈奇輻輳則不獨儒碩者
德智能才技之士挺生其間卽其里俗之良福澤之
厚若壺範閨修有可稱述蓋亦非偶然者焉如吾邑
北偏中坡徐母王太君是矣太君毓質名門嫺詩採
禮干歸季永先生孝慈儉勤備諸婦德誕育二難蜚
聲鬢序蔚然稱爲時棟諸龍復濟濟英多咸方厨俊
辛酉臘月初度梅香滿庭春觴方介舉案歌偕老之
章叢桂志燕山之喜其族人爰製錦繪圖以祝而問

序於予予既雅慕太君之嘉德繁祉而又蹶然起舞稱嘆其族之人何哉夫畫井疆而邑之其大不過千室發幽光而揚之其先必於宗黨今徐族之蕃且聚則成邑而成都也太君之稱於其族卽連里如方州也然則太君之德何其洽而譽何其流歟粵稽徐自周之偃王以仁詒後長世無窮系在東甌爲宗皆碩而中坡之盛尤著是雖神明之胄代產哲人亦豈非中坡地靈有以致然耶予是以於太君之壽不惟爲太君慶而兼爲季永先生橋梓慶亦不惟爲季永先生

橋梓慶而更爲中坡族人相爲慶者慶也歌於斯聚國族於斯鄭湜一門張公九世寧多讓哉予王母徐裔行芬女史世德作求觸茲增感矧令子元英從游又久敢謝不敏而不一進卮言以當羔雁耶遂書此爲序

祭陳聖可先生文
嗚呼先生何罹此禍耶昭昭天道其不足恃耶將否
亂之極而君子之道固消耶奉先生之訓者天不可
怨人不可尤今於先生之歿怨不得不歸於天奚直
克人之是仇先生之才可以濟時先生之文可以矯
衰二者不見於世而當世遂莫之許吾嘗以是疑乎
天道矧其又有今日之故耶先生吟書味道粥粥然
若無能者人謂德掩其才也至可否天下事是非天
下人論議卓然莫不辟易則先生之才非小才矣先

祭陳聖可先生文

嗚呼先生何罹此禍耶昭昭天道其不足恃耶將否
亂之極而君子之道固消耶奉先生之訓者天不可
怨人不可尤今於先生之歿怨不得不歸於天奚直
克人之是仇先生之才可以濟時先生之文可以矯
衰二者不見於世而當世遂莫之許吾嘗以是疑乎
天道矧其又有今日之故耶先生吟書味道粥粥然
若無能者人謂德掩其才也至可否天下事是非天
下人論議卓然莫不辟易則先生之才非小才矣先

生爲文語質而理確辭不外飾人謂質勝而野也然規步先民條理井井雖弄翰戲作必有體制則先生之文非世俗之文矣嗚呼才者天之所篤而文者道之寄也乃學乎道者必名菑厚於天者反速禍將小人何所懼而君子何所恃耶先生於家大人爲世好余小子獲事先生者餘二十年家居密邇嘗得朝夕相親故當學作文字也每營度出口必先自揣曰先生得無不可於意否及觀於先生也可則悅否則深以自尤嘗竊自幸有先生庶幾吾他日之文有所成

也至於處事也亦然家庭稟命而外必請於先生可則行不可則止又未嘗不自幸庶幾吾躬之可以無過也嗚呼孰謂先生而竟有今日之故乎先生愛吾賢於門下士而吾無能爲先生出聲不異於衆人昔者顏氏子於匡之難曰子在回何敢死使子而弗在回豈敢愛生而不討其讎乎今也先生雖不以此望於吾吾其敢謂無負於先生乎哉嗚呼已矣先生其不可作矣微獨君子道消將斯世斯人之不幸亦使吾惴惴焉懼學之無成爲吾之不幸也吾所交知文

竹園類集 卷之八
者少知文而告以實者尤少事非相知不可與之議
及可與議而能不愆於理者尤難吾今而往其敢謂
終能成乎文而免於過乎甚矣小子之戚也先生歿
三日吾始自山來哭歸而集先生遺文手校而藏之
又私爲之傳以志不忘於心而庶幾其有傳於後成
就之恩不足酬萬一也據茲溪毛告於靈座想先生
之存也問者小大畢鳴今豈遂弗知耶嗚呼尚 饗

祭昆陽倪姻家尚曦先生文

古之交游千里一堂如何咫尺有水莫航不星不漢
如限河梁不江不湖渺若三湘憶自疇昔時易其常
戎伏在莽師興於疆思遯巖壑舍邑而鄉慕君三徑
來往求羊不我遐棄姻婭是將數承枉顧披拂荀香
歡舉壘竿子女牽裳向氏願畢龐老偕臧曾不數歲
乖此鸞鳳秦簫雙去廬江共傷君更顧慟惠存不忘
過我彌亟握手攄腸外孫有女提抱在旁飲食教誨
謝玉分光客歲徂旅奔走徬徨扶老携幼以脫虎狼

兩地佇盼陟嶽升岡甲寅避兵爰屆孟冬予卜子藏君來

相視泣讀銘章信宿繾綣傾我奚囊見我經疏嘉我

孔良期我見贈譽以球瑯子慚就正偃仰未遑日月

云邁掛劔莫償覲君厚貌老且彌康每期携榼來游

君莊援絃抒嘯漫坐竹床有懷靡遂遽向北邙嗟亂

未沮人半道僵中山誰飲桃洞何方君反其真於焉

翱翔其歸也全奚所悲愴獨某素締蘭雅久佩蕙纒

稽琴猶在李夢難從跂足遙望洒涕汪浪時方多棘

未藉椒漿臨風哀訴情侔范張昔道匪遠今也洵長

尚饗

祭故友周君弘如文

自君抱戚爰扃其扉日月逾邁疾如矢飛不得見者
朞月有餘孰能爲君永言相違凡厥交游或泛於情
君之視世其鑒過明有慶有吊相值如萍來唁來慰
意皆所輕有客欵門輒戒以絕予亦負君甘隨衆列
一再以至不覲遂輟里閭匪遙往來有關於乎今其
已矣竟作長辭謂俟君出晤言有期知其若此強見
乃宜往事之悔來無可追憶自始髫與君同學君言
我從我過君覺程編共唵命題偕作三十年來時資

礪錯交君以文知己最深與君處財慷慨推分今世
罕及古道相尋如君理行卓哉儒林君之杜門人皆
君咎我獨哀君不爲君疚報服三年準情良厚西河
之過君不任受君之不幸乃局於年疾由時癘匪憂
致然縱喜而歌甯得強延君其無憾付之自天君之
兩女醮皆友子君之一孤光前攸俟屬彼友生數人
而已予介其中亦所屈指期克慰君相君嗣人雖無
須予義不容湮天如有定理必獲伸交情勿替世好
彌親聞君之計寄迹村莊斂不能視臨風徒傷哭君

之靈爲此辭章追惟今昔話不盡腸嗚呼尙饗

祭故友陳君天介文

人倫道五配以友朋友朋之重惟義斯勝私以相比
心焉弗承寤寐思服君有可稱久與君居微窺君德
淳風旣漓家庭失則惟孝惟友君情孔特細行矜不
未足淑慝君之事親在遠彌殷早歲失恃默默思存
衰絰雖免暗淚長吞依依嚴侍竭力朝昏君之弟昆
皆國琰琬夙夜寢興此勗彼勉大器晚成棲遲偃蹇
君列仲行友愛其選先公家學師友一堂薄言筮仕
於彼延庠躡躑不離洗腆往將爰登闈榜雋聲遠揚

竹園類集 卷之八
國難旋歸憇於林塢矢歌伐檀家食勿膾荆樹之枝
繁指無數君力維艱充茲庾金椿庭既背手澤是持
兄弟明發相向哀思浙闡載捷告墓攄詞逮存已矣
聲咽涕垂雖則云然克成先志人推君才我曰述事
試策理人垂紳待次揚顯之思行藉以遂追憶疇昔
歷有多年門內之媿世莫能先曰予景行以是爲賢
離居耿耿每用情纏思君弱冠帥我先子恒聚德星
君嚴戾止講道論文予聞在耳日月云徂忽忽卅祀
遭世之否山海未廓汔可少康耿變又作君苦煇災

從棲丘壑同涉瘴危狼烟驚愕踰望時平君復來歸
髦年握手或上王畿不然終廢並坐釣磯弗慮弗
圖君遽我違嗚呼哀哉交情落落惟人之思君之孝
友展也我師撰詞誅德庶不忘之與君一聽聊塞吾
悲尚饗

悲向望
大氣出死
國言武
事手滿于
王婦不
坐
甘一
人之思
報平

代內弟吳應榮祭嶽趙翁華國文

嗚呼吾嶽大人何遽長辭自昔淑媛方作嬪時龍門
未登契闊繫思曰俟寧歸親覲光儀乃逾數載弗克
如期今歲春孟爰陟高墀視我如子杖屨相隨獲聆
警欵教誨提撕良規堪佩金石為詞歸告其內涕泗
漣洏謂我不見五稔於茲子慰母戚室匪遠而豈謂
公女一豎來危自春徂夏枕褥不離慈幃在念聲咽
以悲啓我言歸情不克持子戒勿往疾殆不治公亦
念女命駕來遲烏鳥之思繾綣燕私雛兒弱女懷抱

兼携羣逸公膝以笑以嬉尊顏克開聊娛令飴謂當
長爾膏肓可瘥薄命絃斷鸞鏡分披我心哀悼公更
過之以是增疾朝夕涕洟勿獲長侍臨別攢眉勉強
加餐長跼獻規形睽神邇魂夢相依胡乃訃至忽忽
如疑某生不辰何數之奇早歲失怙惟公是昆既亡
其偶所天又違俛仰今昔奚堪追惟黃泉相見有女
盟匪幽明遙隔存者不知悲離歡合欲問之誰金風
蕭瑟零露淒其聊舉野菽焉於象帷言不盡意惟淚
之垂嗚呼尚饗

陳聖可先生傳

陳先生昌言字聖可隱居瑞安峴山之下以文行勗
後進邑之學者多師尊之讀書涉獵五經正史旁及
諸子百家皆略能記憶自唐虞以下世之治亂政之
得失人之賢否無不能道其所以事親孝友於兄弟
與朋友交以誠爲文辭樸率而典則笑言不妄故凡
邑人從先生遊者爲人必皆忠謹一切險陂殘薄之
行必不立於先生之門雲南進士沈龍躍爲瑞安聞
先生名延之西席率其子弟就學焉沈性醇厚類先

生治瑞三年有德於民瑞人愛戴如父母與先生交
相知最深比遷官相泣數日不能別其子弟敬愛先
生尤篤先生智識明達不信佛老之學時人邀福求
利者方盛趨於佛獨先生一人斥爲邪說在衆雖謙
退有以佛氏與先生辨者必毅然起自方傳奕韓愈
不少讓也崇禎間士大夫佞佛尤盛先生嘆曰事佛
於愚夫婦猶之可也士大夫誦法孔子吾甚患焉則
儼必衆而職業不修天下事不壞於若輩吾不信也
因奮爲著孔篇取孟子楊墨息之義以爲孟子欲著

聖則闢楊墨以著之今吾欲息邪則著孔子以息之
而揭其卷首曰士紳佞佛甚爲可憂不數年遂有甲
申之變時人始信其言而先生亦太息以爲不幸而
中弘光以後先生幽居憤悶一發於詩曰詩非吾長
也聊以見志爾順治丁亥冬十月邑有負芻之禍平
是難者夷及平人先生亦不幸遇害年五十八門人
朱鴻瞻辱知最厚謹撫其生平大概爲立傳焉丁亥
陽月望前一日書

陳聖可先生墓誌銘

歲丁亥冬十月丁丑瑞安亂聖可先生陳氏歿門人
朱鴻瞻馳往哭之搜其詩文爲之立傳明年正月丙
午合葬於厥配王氏之兆其孤之陞徵銘鴻瞻歎曰
使吾言而重也則已有傳在矣何必吾銘之陞君曰
不然先生之理行文章世罕知者門下士百餘人知
先生皆莫子若傳垂厥永銘慰諸幽舍子其誰屬焉
鴻瞻因感泣曰吾豈盡知先生者而先生每辱謂吾
爲知己今之陞君所云又若是也然則非我誠莫能

銘先生者耶先生諱昌言字曰聖可其先浙之艷人也自八世祖以下居瑞安祖諱尚通父諱子孝母朱氏生先生及仲氏三人先生忠信厚重強識洽聞識見明卓辨論貫穿今古爲文辭取則古人不與俗伍言不妄發出諸口必可見之施爲早失怙終身孝事其母遇二弟盡友道家嘗貧賴先生能卒成之後二弟不幸早世先生善撫其幼子以長以教眎之陞君王氏之卒也先先生十五年先生誓不繼室曰吾感其賢也弱冠時遊邑庠先達君子目先生爲國器後

困於時旣久遂絕意斯世惟隱居教授以文行勗後進凡遊其門者隨其材器皆有所成就先生不尚佛氏於世事灼有先見嘗作書號著孔篇疾士大夫不以孔子爲法而羣聽沙門人國必將受禍已而果然嗚呼先生好學人也書不以老而不讀文章不以不用而不工善言不以非人而不聽卓然篤志君子也惜其不顯於時故行爲鄉閭所稱而當世不悉其能文章爲朋友所知而人之誦之者少吾嘗哭先生曰先生才可以濟世而文能挽衰也先生之所謂爲知

我而之陞君所謂異於及門者其在此乎先生生萬曆庚寅十月辛巳年五十八墓在邑北郭西畧朱坑口之原一子郡庠生之陞君也能文以世其家銘曰匪賢勿庸匪仁勿壽命與道違理不可究衮衣辱韋帶榮塵世濁幽泉清吁嗟天道莫之或貞我心孔悲兮先生則甯

何三衢先生墓誌銘

代

何君三衢余師天衢先生之季子也余弱冠始遊先生之門與君伯仲皆友善君年獨少懷奇負氣英敏逼人後余暨君伯仲咸遊邑庠而先生歿余與君離居君亦棄舉子業勿事又數十年余猶爲弟子員邑黌宮災聞於津臺津臺瞿然檄有司亟新之乃以幣聘君董厥事君以貲助其費時余齒少長於諸生與君朝夕從事見君鳩工程材區畫曲至文廟落成有司上其勞報君以冠服之榮而君遽以疾卒嗚呼士

之爲達官致君而澤民者始莫不由於學君之有績於學宮也凡邑之君子入聖人之門者必思其勤卽其後人顯達而出聖人之門者亦莫不藉其庇蔭可知也歲在丙戌予仕聞其孤將以明年葬其考妣之喪書來乞銘時方多事余未遑爲今以黃冠歸里余將執紼而從事焉遂序而銘之君諱
三衢別號也上世爲閩之浦城人唐太常寺丞諱某者始徙浙之瑞安唐宋間代有名臣明雲夢尹諱某沂州守諱某皆其先也自曾祖以下始不仕祖諱某皇考

先生諱其達以文學行誼顯配 氏生汝清郡庠生娶邑某氏側生子沂清未娶卒君生某年月日卒某年月日享年若干配生某年月日卒某年月日享年若干以某年月日卜兆於邑鄉霧嶺之原而合窆焉又祔其子沂清於墓側銘曰
賁於嶽乃楚之璞張其徽匪齊之竽厥由時遇詎繫巧愚翼翼泮宮思君之功窈窈幽堂爲君之藪嗚呼其可忘

豐湖周先生邦魁改葬墓誌

周子丕謨將奉考妣柩安厝於邑負郭北山之原號泣來告棘人鴻瞻曰丕謨不孝不善卜宅歲辛丑葬吾父於蘆江金山嘗乞子先大人東澄先生銘甲辰喪母啓壙將祔穴有卻吾懼實甚遷父柩以歸今墓矣始得改卜於茲土合窆宜更誌而先生已歿子爲吾友請繼之棘人泣下未及對丕謨又曰吾固知子哀銘必辭然吾父生平敬慕先生嘗令吾受業先生之門惟先生知吾父昔惠銘今棄之懼無以道吾父

且無以成先生賜也子安得無意哉棘人投淚起捧
讀前志惟謹按先子舊文及丕謨近稱母狀據事直
述而止按先生姓周氏諱榜字邦魁始祖諱堯聞宋
進士居閩赤岸官於瑞因家焉中議大夫兩浙運使
諱 居邑中西崑明永樂癸卯鄉薦崇寧教諭諱仕
平始徙東郭豐湖曾祖諱某祖諱某父諱某母某氏
本生父諱某舉鄉大賓先生幼喪母育於大母大母
年九十餘父又老先生咸善扶養居家息業積著誠
子弟以學處豐湖足不入城市非知交罕有得識其

面者先子前誌具列其狀配邑後洋鮑公諱某女不
謨曰母歸父時不逮事姑大姑暨舅在堂年已耄母
事之色養備至又舅有側室子女甫生而側室亡母
爲之撫育且襄其婚嫁事宗人無不稱母德至今先
生生明萬曆某年月日卒清順治某年月日壽六十
有五配生萬曆某年月日卒康熙某年月日壽七十
子丕謨有文行久困於郡庠弟子員娶邑中林氏生
孫男二女二今茲佳城乙巳仲春穿壙旣成封之吉
日癸酉啓視完密始合窆棘人鴻瞻謹撫斯誌在十

有二月

有二月... 故恩省鄉大賓贊字周公墓誌銘

故恩省鄉大賓贊字周公墓誌銘

公諱大經字汝綸別號贊字姓周氏始自大宋狀元
坦居瑞來暮鄉永安市越五傳某度胡嶺居昆之龍
山自是龍山周日蕃而永安墟有明以來其家簪纓
雖不逮宋而衿佩濟濟以文行名郡邑者甚衆亦不
媿衣冠俎豆焉曾祖諱晴峰祖諱廷韶考諱子淮妣
繆氏生公于明萬曆壬申臘月十三日戌時少穎慧
伯仲皆折節為學已而伯氏遊庠公試少躋一日讀
明紀見有以府史膺膺仕者廢卷嘆曰烏用此雕蟲

爲哉遂去佐二千石爲郡椽勞績屢著將屆恩省會
鼎革歸憇林泉以其曠騁之才歛志戢翼偶田父爲
息業積著之計纍巨貲稱素封惠洽其鄉里族姻邁
種德以裕厥後春秋八十有七舉鄉大賓順治戊戌
六月十一日巳時以天年終配瑞南社鄉河頭陳氏
生萬曆丙子二月十日卒順治戊子六月二十八日
春秋七十有三側劉氏子男五址塋塋塋陳出鴻庠
生劉出址娶宋埠林繼錢塋娶滙源黃塋娶橫塘林
塋娶隴頭李鴻娶沙園殷孫男五銘庠生塋出鐸銳

塋出鏘塋出芳鴻出女五一適王文學維文址出一
適馮文學時颺一適林子以栢塋出一適陳子士福
塋出一幼未字鴻出曾孫六士潤銘出土演鐸出土
濟士溢銳出土灝士沛鏘出址無男子銳爲後方公
之捐度也改玉未遠寇難頻仍于今三十有六年矣
始衰事址塋塋塋皆亡惟鴻介其從兄子吾徒荃請
銘予辭弗獲銘曰

惟康熙癸亥十有一月二十七日適孫銳孤子鴻舉
公樞暨元配側室合墓於龍山祖隴之原何後也時

之以非偶也公歷斯福宜厚也壽且康又富有也振
振繩繩皆瓊玖也燕而詒而世克守也鑄辭納竈伊
可久也

昆陽周之暉先生墓誌銘

予弱冠時以文章謬爲昆陽周先生知越江而來延
至其家課其二子憶是時予寡與見先生爲人有古
人風輒意天下人無難如古人及久思之嘆息不可
得先生春秋高吾未嘗見其爲文其書疏與予往返
體要而博雅旣服其誠又嘗思其文辭皆可愛居二
載會崇禎甲申之變喪亂播遷自此始歷七八年不
得見而先生沒後數年兩子後先遊庠文日有聲又
數年適食餼以資得梯仕予聞之喜又以先生不及

見爲恨康熙壬戌十有一月己酉適始克舉先生柩
暨其配合窆其里龍山來乞銘予追惟自少多先生
忽忽兩三紀嘗不去諸懷泫然受狀而書之先生諱
境字之皞世居昆萬全鄉之龍山尊大人邑文學諱
汝燦母杜氏伯仲五人四補弟子員先生長先生性
莊毅言不妄發敦孝友居家和而理與人則忠尊大
人適養蚤諸孤成立皆先生力配宋氏以儉勤佐先
生成先生德側吳氏宋氏二子者一荃適也一英吳
出荃娶瑞滙源黃氏生孫士滙早卒女二長適陳子

騰蛟次黃子家瑞皆昆士其媵生士溥士潢士漣溥
聘錢君文翮女英爲仲父諱墳後有孫男女十八大
者食餼郡庠舉曾孫三嗚呼方予居龍山塾先生嘗
慨得兩子晚今英雖後仲合三世孫子男女無慮二
十人又皆濟濟英多盛已孰非先生德哉先生年六
十四生明萬曆己丑十月十日卒清順治壬辰十一
月十六日配七十生己丑十二月二十七日卒戊戌
十月四日銘曰嗚呼予少見先生兮知爲君子比闕
人之多兮益深仰止故誌先生兮追而慕之如此

八... 廿四...

... 廿四... 廿六日...

錢二曹先生墳誌銘

邑中有隱君子姓錢氏諱曰斌字曰二曹其生也其學也其入庠而舉於鄉也縱飲嘯於吳山西湖間也皆在有明之世及倦游而老於家會崇禎帝賓天遂鬱鬱不得意以終當是時吾鄉義士如葉如鄒或佯狂或慷慨君皆慨然想慕其人自以生為罔因號幸菴以見志上世居江之南岸祖諱志始徙馬坊巷考諱賜妣林氏少早孤偕其仲琳事母以孝聞與人厚和煦無岸吟常周人急尤樂成就讀書士有藉以舉

火者性好古積學既富晚歲發爲詩詩巨麗有尺度
康熙庚申四月四日卒年七十三生萬曆戊申正月
二十日配南隄項氏子男六人煌康熙晟蔚嵩游邑
庠者三女一人適庠張子履乾孫男五女三葬以壬
戌十有一月六日孤負狀乞銘能道父志且泣曰卜
宅隆山之麓得面卓氏峰庶稱平生仰慕忠貞意予
曰善遂從而爲之銘曰
狂夫涅涅志士烈烈人各有心抗懷高節君歸其全
生如不屑幸菴之名誰爲之說

峴山蔡公明墓誌銘

邑蔡氏與予祖同居峴山爲隣相婚媾爲姻歷歲久
族皆以地得名其隣與姻爲相世兆開兆允二君少
與同游爲友兆允君季女又以字吾子士輔康熙十
有九年十月九日兩君將爲其先大人襄事以銘屬
予旣弗克辭且喜爲述往事若詩所謂無念爾祖者
也粵自大清改玉以軍屯棄峴山民舍予族暨蔡
皆在播遷中迄今止蔡大祭一祠巋然幕府側顧二
君及予猶得量移近治里閭相接如故蓋亦藉先澤

竹園類輯 卷之八
多焉而君之尊大人尤有隱德生未食報宜其發祥
於後者更大焉按狀公諱序字則殷世業儒少時識
者嘗推爲國器會鼎革以處士終祖諱址考諱賜妣
東嘉董氏室沙瀆陳氏公旣塵視軒冕家居專以詩
禮課諸塾子男三長兆開名逢昌季兆允名逢申並
游邑庠仲氏逢選早世女一適東魯林子選逢昌娶
隴西李氏再娶薛氏逢申娶蘆浦張氏孫男六曰掄
曰摺曰擷逢昌舉曰琨曰珂曰琦逢申舉女三逢申
舉掄爲逢選後娶林氏摺娶王氏琨聘姜氏珂聘李

氏琦聘鮑氏諸龍孫英特爲文辭超邁負氣皆足爲
公光者公生明萬曆甲午二月五日酉時卒清康熙
丁未八月八日戌時壽七十四佳城祔祖在邑二都
莘川之原陳太君方含飴美孫營壽域旣誌且銘曰
蔡氏之蕃厥有其源萬生隱君其德彌敦葬從其祖
祥發諸孫何以徵之視此銘言

王瑞瞻先生墓誌銘


瑞瞻王先生少卓犖負雋才爲人曠達不羈予始嘗
讀書先生里見先生勇於學貧不爲累旣而先生遊
庠予亦弱冠忝諸生後一時同學皆稱先生才會明
微改玉人無寧止契闊日久比予再入城尋舊讀書
處治幽齋藝菘竹復得與先生密邇竊見先生家居
惟事惇族睦隣訓率宗黨好行其德非復少時昂激
意氣矣雖先生春秋高蓋亦時使然也又嘗見先生
喪其長子振徽抱呱呱孫心食而教之今旣長爲舉


子業日有名而先生歿康熙壬子十有一月庚寅心
承重奉乃祖及祖妣李氏柩合窆邑東九里上塢之
原又以其考妣祔來乞爲先生銘予辭爰念與先生
交有素且心孝將爲前人光嘉其請遂誌之瑞瞻號
也諱敷錫字昌鼎始遷祖自四明來居安固傳六世
而至先生祖諱逢賢考諱化妣陳氏生先生伯仲二
人伯氏諱天寵子三人長而蚤世者李氏出娶潘氏
心考妣也次振虬振麟側出俱幼心娶柴氏女孫一
潘氏勝出適文學林子介先生生明萬曆癸卯六月

四日卒壬子三月十八日年七十配生萬曆甲辰八
月二十三日卒清順治庚子五月四日年五十七心
考年二十九妣年四十三茹荼字孤稱未亡者十有
五年銘曰

三槐之堂天有定未才也勿伸嗣而又替爰有文孫
蘭芽重蔚庶幾將來用顯厥世銘之幽宮蘓子之謂

黃君友善墓誌銘

君諱  字友善姓黃氏始遷祖唐太尉某自閩長溪徙居邑之來暮鄉湖源宣使某自湖源徙城君讀書嘗篤念其先澤既遊庠遂安意肆志恬淡無爲一混於酒德然雖終日縱飲遇事秩秩不爲亂家居急於敦族敬宗嘗見家廟圯壞拮据率先葺而新之子嘗對君飲睨君久想君非漫然果於自放其樂於酒也蓋欲與物渾忘而自以全其真者壽七十二以天年終祖諱某考諱某妣某氏距生明某年月日卒清



某年月日娶平陽某氏子男三長某早卒次某某力
學繼父業女二一適某一適某康熙甲寅會邑有師
役時之人方恨不能啜中山醇醪以忘厥世而君孤
奉君柩以十有一月某日厝君於郭北南畧祖壠之
原君可謂永甯已從而爲之銘曰
其生也醉鄉是遊其逝也桃源與儔是蓋終君之身
兮樂以無憂


其定邑文學周仲宣先生墓誌銘

治南數百步正議巷以官名慕賢坊以德名皆周氏
遺徽也邑卿士大夫顯達者衆矣當時則榮沒則已
焉而周氏俎豆之於庠繫人遐思如此嗚呼爲周氏
後者可以興矣吾友仲宣先生距正議二十世爲人
倜儻不羣讀書雅慕古人不拘瑣節旣游庠亦不屑
屑以時名介其懷已而終日端坐客至則相與酌酒
對奕而已其施爲雖未顯於世抑亦有志之士乎使
得如恭叔去非親游程張之門豈無如金就範亦受

竹園類輯 卷之八
繩者乎吾又以歎士之不遇也先生諱日德祖諱遠
考諱鳳邑文學伯仲三人配董氏卒復娶其姊生男
子二鼎鏞又繼王氏生女一鼎娶蘆江張氏鏞娶所
前陳氏女適中坡徐普鼎生豐鏞生邠殷皆慧君年
六十有二生明萬曆庚子二月廿一日卒清順治辛
丑九月二十日董氏年二十九生卒年月日王氏年
六十四生卒年月日康熙辛酉九月二十四日鼎鏞
舉考妣柩葬邑北朱坑之原二子從子游能文以世
其家予與之銘曰宣矣主墓誌銘

嗚呼哲人恭叔吾思云存不得見兮於其子孫先生
仲宣亦士之元送其歸矣贈以茲言

豐湖胡君二翼墓誌銘

君諱  字二翼姓胡氏世居邑豐湖少卓犖補第
子員意氣豪放年五十卒將葬孤某乞銘曰願賜一
言以光諸幽又泣曰吾父其他皆先生知然吾祖好
施與吾父善繼厥志自族之人至於隣里姻朋匱乏
者鰥寡孤獨疲癯殘疾之人失養者皆周之橋梁道
塗圯壞不便往來者輒與修治又曰吾父無親兄弟
祖嘗育父之再從兄與爲伯仲不幸伯氏蚤逝父曰
今其存者婺與孤吾嫂也吾猶子也贈教之方靡遺

猶子長均祖產以畀之又曰凡人好義樂施多惑於因果吾父則於老釋異教絕之必嚴凡此事皆隱晦併以告先生子曰然子所言吾雖未之聞然吾自昔見子尊人生平意氣高爽銳然欲有爲率多類此然則子尊人殆又孝友而好行其德者也吾銘人多矣其能孝友而有德者幾人哉君上世自閩赤岸徙瑞豐湖傳至君凡十八世祖諱某考諱某妣某氏元配邑中石文學諱某女先卒繼室某氏男子五人俱石出君生明天啓某年月日卒清康熙某年月日石氏

之亡也君葬之邑西來暮鄉湖巖之原君爲已營合室今諸孤以康熙某年月日奉君柩窆銘曰
惟君之才我自知其孝其友其好施其子言之不我欺不我欺兮無媿辭

澄江謝君君其墓誌銘
君諱某字某姓謝氏生邑之澄川澄川距治二十五
里山水清越謝氏之族世居之其上世自安石為晉
名臣治宋康樂守永嘉季子宣子家於郡傳五世而
徙澄川澄川之世凡二十有四而得君澄川故產杰
人自劉宋迄唐宋元及明之初載多膺簪組其後無
顯仕其人率皆俊偉藻雅不媿江左家聲而君亦犖
犖堪為澄川最早歲失恃善事其父父沒一妹兩稚
弟皆賴君婚嫁凡弟若妹之得於其兄如得之父族

澄江謝君君其墓誌銘

君諱某字某姓謝氏生邑之澄川澄川距治二十五
里山水清越謝氏之族世居之其上世自安石為晉
名臣治宋康樂守永嘉季子宣子家於郡傳五世而
徙澄川澄川之世凡二十有四而得君澄川故產杰
人自劉宋迄唐宋元及明之初載多膺簪組其後無
顯仕其人率皆俊偉藻雅不媿江左家聲而君亦犖
犖堪為澄川最早歲失恃善事其父父沒一妹兩稚
弟皆賴君婚嫁凡弟若妹之得於其兄如得之父族

之人輒以此多君又嘗振人之急人謂君自其祖時
已得施其閭曰尚義君殆能繩祖武者祖諱某考諱
某配崑山彭氏生子男二長志遠爲諸生有聲娶林
氏其仲志敏以爲君之弟後娶某氏女一適蓋子某
孫男二人外孫男一人女一人君生明萬曆某年月
日卒清順治某年月日以康熙某年日月葬其里之
雲嶼山方君始卒時志遠年十二丁亂離扶其母遷
徙無寧居倉卒就子學予與之講論詞義卓然已而
終不舍去居常爲子道其尊人生平至泣下今請銘

予高君誼又嘉君子不敢謝不敏銘曰

澄川之謝自宋始兮後千餘祀如晉跋兮不圭不組
有高上兮生懋其性內自美兮族人見嚮仰素履兮
惠不在遐視其里兮有子旣才克振起兮爲君之光
日可俟兮予銘君藏其固其安其蕃爾祉兮

自可外行... 其國其文其善... 高士... 自美... 人... 不... 不... 不...

周君仲聖墓誌銘

君諱日躋字仲聖姓周氏自有宋理學恭叔先生世濟其美居邑中正議巷祖諱遠父諱鳳邑文學徙數武范大橋君伯仲三人皆折節為學篤於孝友伯氏遊庠而君卒躋於試老而賦詩飲酒以終其天年平生不事產業貧不以累其心配鳳舉陳氏鄉大賓諱康女子男三鉉澄溶鉉娶所前陳文學諱昌裔女澄娶海安王文學諱之輔女暨王育女東嘉林氏孫女三珠鉉出桂富澄出君生明萬曆丙午六月朔日卒

清康熙丁未二月二十六日年六十二配生明萬曆
丁未五月九日卒清順治丁亥五月廿日年四十一
今以辛酉九月二十四日合葬邑北郭朱坑祖隴之
東澄爲生有聲遊子門偕其兄以銘請予旣爲君伯
氏仲宣先生銘矣君難弟也銘曰
伊洛之傳在君之先追惟仰慕人誰不然旣繼賢序
復執簡編羹墻之見寧無有焉君歸全已又啓後賢

國朝外聖墓誌銘

項公而育廷玉伯仲壙誌銘

伯仲諱得瑛字而育諱得琦字廷玉姓項氏項邑之
望族始祖生南海島中挈舟歸邑居南隄子姓最蕃
咸禮義自守宋時簪笏盈朝宋亡遯世八十年無仕
者至有明復甲第蟬聯又子孫世用祖訓戒浮屠治
喪通其族數百年不異余嘗贊修邑志思譜之以風
遠近兩君子世其家讀書高隱相友愛爲淮安府教
授諱泮者曾孫積善餘厥慶祖諱夢雷父諱有恭歲
乙卯值閩變士馬雲擾九月丁未同葬於負郭南畝

伯年六十有三生明萬曆丁亥二月六日卒清順治
庚寅六月二日配張氏合窆生萬曆乙酉九月七日
卒順治戊戌十二月二十二日年七十四仲年五十
有九生萬曆庚寅十月十二日卒順治戊子二月六
日配黃氏壽藏伯子男一家昌娶林氏繼陸女一適
許君登署孫男一滄溟女一適林子深仲子男一家
煜女一適王子致銘之曰
項氏十世族墓如式伯仲去尺鐫誌一石繼繼承承
後先芳躅金有鑛玉有璞異乎犁犢駢角

邑文學周君廢三墓誌銘

吾友周君號廢三者其諱丕謨其字弘如其先自宋
進士堯聞遷瑞中議大夫怡進義校尉住明孝廉署
崇寧教諭仕平恩貢汀州司訓嶺常山司訓埏皆得
仕大父鄉大賓諱繡尊大人諱榜妣鮑氏其生以明
萬曆丙辰九月十四日卒清康熙庚戌十月四日年
五十有五其生平以孝聞推其孝以及其宗族媯戚
凡所與游靡不厚其文章卓然大家自豪自總角游
吾先子門子兄事之其意度淵遠時或終日不發一

語人莫窺其際與之居則化爲弟子員七舉於鄉皆
躋浩歌自得配學前林氏某女子長嗣發甫游庠女
歸林生詩甫合卺皆不永勝舉女醮項生琛亦殤今
克振君家聲者惟次子嗣達一人已能爲諸生文邁
時輩娶其舅博士履吉君女歲癸亥臘月九日士達
奉君柩暨妣合葬於邑西焦石之原又爲再從兄嗣
德嗣濂葬其祖文學步昌先生及其考妣凡六喪其
地爲步昌先生手卜兩從兄公其所有其一門友愛
可謂能紹述前志者先是君孤獨爲君營宅隆山旣

訖工或尼之今得如家禮族葬圖若天相者然林氏
生天啓辛酉六月五日卒辛亥九月六日年五十有
一予執紼歌薤露哀君又以孝友相世爲君喜銘曰
禮之葬也以族其昭穆序也如廟之肅惟君之窆古
道復善繼善承兮孝友篤宜爾子孫繩繩兮報以介
福

文學陳君左平墓誌銘

君姓陳氏諱之陞字以道又左平吾師聖可先生諱
昌言之子吾之畏友也先生於吾父爲世講並以文
章理行著聲於時吾與君生同年自髫同學吾十歲
始學作文字君天資警妙能先我兩三歲邑長沈公
龍躍師事先生奇君嘗召置膝上試屬對輒應聲如
響吾弱冠始游庠君亦蚤我初治尚書更春秋視一
第如芥會明祚終先生賦詩託興采薇已而先生沒
君繼志遂放廢兀坐誦古人書題其室曰文亦猶人

好且從我康熙甲辰四月十二日卒妻夏氏繼朱氏
子男二長鏐敏悟如君卅歲補弟子員高等早世次
鏞皆善屬文能紹君業者女二寶歸吾故子庠生士
肇笄年守志識書史佩君教次嫁文學林子濤鏐娶
程氏鏐逝後一歲亦卒生孫男靜女珮鏞聘丘氏君
年四十七距生明萬曆戊午十月二十四日今以乙
丑十有二月十六日葬君邑西偏五里焦石之原鏐
及程氏附夏配先塋北湖先生墓朱壽室與同穴銘

君之世德始自其先自君而後克紹其傳有子皆特
女生亦以宜受多祉單厚自天俟天之定誰曰不然
納辭幽窆以爲券焉